



DEO OPTIMO MAX.  
UNI ET TRINO,

VIRGINI DEIPARÆ, ET S. LUCÆ,  
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS  
manè discutienda in Scholis Medicorum, die Sabbati vigesima tertia  
Decembris M. DCC. XLI.

M. JACOBO-FRANCISCO VANDERMONDE,  
Doctore Medico, Præside.

*An infanum, à dentitione, convulsionibus, vel soporibus, repetitus  
catharticorum usus?*

I.



OMINIS vita à doloribus auspicatur. Vix eâ potitur miser,  
cum diris torqueri, dentitionis labore, vix desinat cruciatibus. Tu-  
mentes gingivæ pruriginè, dolore, phlogosi afficiuntur; pullulant  
in ore aphthæ, ardor & sitis intenduntur, clamitant infomes in-  
fantuli, irrequieti huc, illuc agitantur. Alimentum acefcit in ven-  
triculo, devehitur ad intestina malè subactum, corruptum pun-  
gentia tormina, flatus, borborignos fuscitat, pravum ministrat chylum: sangui-  
nem, bilem, succum nutritium, aliosque inficit humores. Hoc ritu secretiones &  
excretiones pervertuntur. Stagnant in vasis minimis liquida, inspissantur, depra-  
vantur: infarciuntur viscera, intumescit abdomen, exoritur febris, tussis, dys-

2

pnœa; torſpecunt artus, flacceſcunt; vix collum ſuſtinet capitis onus; tandem, aſtriſcâ alvo, accedunt membrorum & tendinum ſubſultus, convulſiones, quandoque ſopores.

## I I.

**I**N genere, ab accidentibus externis, vel animi pathematis, immo ſæpius à prævâ corporis diatheſi, ſpſmorum, ſoporumque repetere originem. Convulſio, ex Hippocrate, fit vel inanitione, vel repletione. Hanc argue in pueris cauſam quæ cerebrum, & nervorum exordia conſtringere & opprimere potis eſt: inſartum videlicet tubulorum ejuſdem viſceris, ſanguinis & lymphæ, in innumeris capillari-bus hæſionem: viget enim inter caput & præcordia intimior conſenſus; dum inſarta abdominis viſcera vix peragrans purpureus latex, ad capitis arterias regur-gitat ibi cumulandus; cum non eâ proportionem per venas relabitur, quâ arteriis vehitur. Eò plura ex abdomine refluunt, cum regurgitante ſanguine periculâ, quòd illud totius corporis ſentina, & inquinamentorum receptaculum, ſucco-rum ſtagnationi valde ſit obnoxium. Per mollem & teneram illius viſcerum com-pagem, per vaſa flaccidioris meſenterii adminiculo languente ſuffulta, per glandu-larum in eo diſperſarum debiliorem texturam, per vaſa plurimi generis ſuccos lentefcentes, & prævè coctos vehentia, ſegniùs propulſi liquores ingurgitantur faciè, ſenſim ſine ſenſu congeruntur, parum renitente vaſorum huc, illuc flû-ctuantium tono. His adde infantulorum muſculos motibus & exercitationibus. prorfus tunc temporis impares, fibras eorum laxiores & debiliores. Sic conge-ſtionum, cerebri ſoventur primordia.

## I I I.

**I**NTER omnia, ſagacitate, induſtriâque humanâ, ad ſanandas ægritudines, Ixexcogitata commoda, palmam ſibi proriſuiſſe videtur cathariſis. Hæc Apollinis arti cœva, ſola medicinæ nomine gaudet. Sua ſunt interim cuique morbo, tem-pori, ætati, regioni, anni tempeſtati, peuliaris evacuandi præſida è triplici re-gno deſumpta. Cæve eadem in pleuride, quàm urgente apoplexiâ, decernas. In febribus bilioſis intermittentibus, tutò & ſeliciter in incremento propinabis, dum in inflammatoriis & acutis, non niſi declinante æſtu, relaxatiſque vaſo-rum fibris, adhibenda. Alia pueris, alia adultis, alia ſenibus ſunt præſcriben-da cathartica. Qui ſub zonâ torridâ degunt populi, non niſi leniſſimis utun-tur; Septentrionales autem draſtica, & aciora crebrò devorant inſontes hy-dragoga. Hyeme & autumnno, ventres utpote calidiores, validiùs quàm verno. & æſtivo tempore expurgare oportet. Mortallum primus qui morborum ſigna, & naturæ varia; in diſpari ſuimet habitu, attentè obſervavit molimina, Cauſarius. Is, valetudinem ſibi reſtauratam naturalis diarthææ beneficio, haud ſemel expertus, tandem mole & pondere aggravatus, ad edulia ventrem laxan-tia recurrendum duxit. Sic nata purgandi occaſio. Inter ſenſiles corporis excre-tiones, hæc imprimis ſpectanda. Sint alæ vel imminute, vel leſæ hæc ube-rior, naturæ motibus, aut opportuno ſubſidio comparata, aliarum ſæpe vices-gerit: atque æquilibrium ſolida inter & fluida reſtituit, & ſanitatem; immo plures hæc judicantur morbi, quàm aliis ſimul unitis.

## I V.

**I**N infantulorum, à dentitione, spasmis & soporibus, cerebri compressionem ab infartu abdominis enatam, sat superque demonstravimus. Hanc derivationis ope amovendam, sicque primariam morbi causam auferendam, qui insidias iverit? Vel detractò è saphenâ sanguine, vel dejectâ pluries alvo, vasorum capitis derivatio comparanda. Utrumque molienti, certiores & constanter perpendenda indicationes. Has desume ex molliori, & laxiori musculorum, aliarumque tenerimarum partium texturâ; ex vasorum ubertate, & lymphæ nutritiæ redundantia; ex parçâ perspiratione; ex pulsu molli & flaccido; & denique ex succorum glutine & vasorum atoniâ: quæ singula sanguinis detractio nem deterrent & respuunt. His adde, naturæ viam monstrantis, vestigia à venerando sene olim explorata. *In progressu verò*, inquit, *cum jam dentire incipiunt, gingivarum pruriginis, febres, convulsiones, alvi profluvia, & maxime cum caninos edunt dentes, & iis presertim qui crassissimi sunt & alveos duras habent* 3. *prognos* 25. Cum verò eos qui alvi profluvio laborant minimè spasms corripit, etiam hodierna evincat experientia: quid obstat quominus, hæc excretionem provocatâ, gementi crassiorum sub pondere fluidorum naturæ, auxilium feratur? Cum, *que educenda sunt, quò maxime natura vorgit, ducere oporteat, per loca conferentia* 1. *acut.* 27. Non enim solam ventriculi & intestinorum faburram, iteratis catharticorum vellicationibus, foras amandari notum. Corpus humanum totum depurari posse per alvum, probant hiantia in intestinis lymphaticarum, mesenterii arteriolarum oscula: ex quibus, catharticorum ope, serum in fistulam intestinale depluit. Ast, in catharticis eligendis, invigilet sedulo quisquis ea pueris ægotantibus porriget medicus. Aliis spissescit, aliis liquefcit sanguinis compages. Semotis prioribus, posteriora eligat. Horum tenuiores moleculæ in sanguinis alveum, per vasa Chylopocia protruse, eundem sic exagitant, ut inde minor evadat globulorum coherencia: sic vasa stimulant, ut adaugeatur vis eorum systaltica. Debilius inter se coherentes sanguinis moleculæ, vasorum actioni resistunt minus, vasisque validiùs contractis, validiori nisu in se se mutuò arietant globuli sanguinei. Augetur motus sanguinis, tum intestinus, tum circulatorius. Dum verò tragediam agit in sanguine quidquid catharticorum volatilius, haud muneribus fungendis impar, nerveam intestinorum tunicam in validiores contractionum nifus ciet, quid quid eorum crassius quàm ut lacteorum oscula subierit. Hinc jam tenuior facta, quæ ad mesaraicarum arteriarum fines appellit serosa sanguinis portio, quasi jugi filicidio in intestina delabitur, adauctoque motu eorum peristaltico, per cathartism foras amandatur.

## V.

**L**ICET præcipuum, puerorum convulsionibus, stabiliamus in purgatione præsidium: ex artis tamen fertili sinu, diversa alia depromi commoda, quis negat? Sunt & gingivarum frictiones, scarificationes, unctiones, aliaque topica medicationes, quibus omnino fidere nefas. Sunt antispasmodica, temperantia, sedativa, immo opiata ipsa, quæ in vasorum infartu, & liquorum in

spiffatione inutilia, si non noxia censemus. Sanguinis miffio, non nifi indicationibus appofitis, tentanda. Si pulfus durus, frequens, abdomen tenfum, renitens, urinæ fecesque pertinaciter retentæ, faphenam illico fecâ, non femel tantum, fed quantum urgebit occasio, ægrotantisque vires indulgebunt. Ea tamen fit medenti cautela, ut clyfmata varia, fotus & unctiões adhiberi curet, pulveres abforbentes deglutendos jubeat, immo, purgatâ prius nutrice, puero cathartica adequata, diuque repetita, ad morbi fomitem eradicandam depellendamque præfcribat.

*Ergò infantum, à dentitione, convulfionibus, vel foporibus, repetitis catharticorum ufus.*

### DOMINI DOCTORES DISPUTATURI

*M. Francifcus Felicitas Cochu,  
Scholarum Profeffor designatus.*

*M. Jofephus de Juffieu.*

*M. Philippus Davier de  
Breville, Dotariæ Hifpaniarum Regiæ Medicus perpetuo ordinarius, & Chirurgiæ Profeffor.*

*M. Ludovicus - Florentius  
Bellot.*

*M. Henricus - Francifcus  
Bourdellin, Scholarum Profeffor.*

*M. Petrus Maloei, Confiliarius  
Medicus Regis ordinarius, nec non domus Regiæ Invalidorum Ducum & Militum, & Regiæ Scientiarum Academiæ Socius.*

*M. Joannes de Dieß.*

*M. Anonius - Joannes Daval.*

*M. Guillelmus de Magny.*

Proponebat Parifius JACOBUS-FRANCISUS LE CHAT DE LA  
SOURDIERE, Cenomanenfis, Baccalaureus Medicus, A. R. S. H. 1741  
à sextâ ad meridiem,